

मां काली रोग काट कै दिखाणा पड़ेगा

ज्योत पै मां खेल के नैं आणा पड़ेगा,
मां काली रोग काट कै दिखाणा पड़ेगा....

बड़े बड़े असुर संघारण वाली,
ढंग वो आज री बणाणा पड़ेगा,
ज्योत पै मां खेल के नैं आणा पड़ेगा,
मां काली रोग काट कै दिखाणा पड़ेगा....

सब तक सिर के केश खिंडे ना,
पेशी उपर संकट ल्याणा पड़ेगा,
ज्योत पै मां खेल के नैं आणा पड़ेगा,
मां काली रोग काट कै दिखाणा पड़ेगा....

लाल लाल जिभ्या तेरी देई ना दिखाई,
सारा भेद खोल के सुणाना पड़ेगा,
ज्योत पै मां खेल के नैं आणा पड़ेगा,
मां काली रोग काट कै दिखाणा पड़ेगा....

सब देवां में तूं शक्ति सैं न्यारी,
इस संगत का भय भी भगाणा पड़ेगा,
ज्योत पै मां खेल के नैं आणा पड़ेगा,
मां काली रोग काट कै दिखाणा पड़ेगा....

गल में पड़ी सैं तेरे मुंडों की माला,
कित तेरा भोग दिवाणा पड़ेगा,
ज्योत पै मां खेल के नैं आणा पड़ेगा,
मां काली रोग काट कै दिखाणा पड़ेगा....

जीवत भेंट मंगाईए मतना,
पान पेड़े में ही काम चलाणा पड़ेगा,
ज्योत पै मां खेल के नैं आणा पड़ेगा,
मां काली रोग काट कै दिखाणा पड़ेगा....

अशोक भगत पै तूं होरी सैं राजी,
उसके हाथ तैं भला कराना पड़ेगा,
ज्योत पै मां खेल के नैं आणा पड़ेगा,
मां काली रोग काट कै दिखाणा पड़ेगा....

अपने Android मोबाइल पर [BhajanGanga](#) App डाउनलोड करें और भजनों का आनंद ले |